

Аҳолининг ҳуқуқий саводхонлигини ошириш бўйича давра сухбати ўтказилди

Жиноят ишлари бўйича Олтиариқ туман суди томонидан туман фаоллари ҳамда тиббиёт ходимлари иштирокида чақалоқ савдосига қарши кураш, одам савдосининг олдини олиш, янги қабул қилинган Ўзбекистон Республикасининг қонунлари, каррупцияга қарши кураш мавзуларида ҳуқуқий саводхонликни ошириш бўйича давра сухбати ўтказилди. Мамлакатимизда бугунги кунда энг ачинарли ҳолатлардан бири чақалоқ савдоси жиноятларида давлат муассасалари ходимлари ўзларининг ғайриқонуний ҳаракатлари билан иштирок этаётганидир. Бунга тиббиёт ходимларининг катта моддий манфаат кўраётгани асосий сабаб бўлмоқда. Хусусан, юртимизда чақалоқ савдоси жиноятларининг аксарияти бевосита чақалоқнинг онаси томонидан содир этилаётгани, жиноятларнинг 12,2 фоизи эса чақалоқнинг туғилишида иштирок этган тиббий ходимлари воситачилигига амалга оширилгани аниқланган. Бундан кўриниб турибдикি, чақалоқ савдоси ва умуман одам савдоси жиноятларининг илдизи, жиноят содир этувчи шахсларнинг доиралари жуда кенг бўлиб, уларга қарши курашда комплекс ҳаракатлар, қатъий жазо чоралари ҳамда инсоний фазилатлар талаб этилади. Амалдаги қонунга кўра, 18 ёшга тўлмаган шахсларни, яъни Ўзбекистон Республикаси Жиноят Кодексининг 135-моддаси 3-қисми “а” банди билан чақалоқ савдосига оид жиноят содир қилганларга нисбатан, саккиз йилдан ўн икки йилгacha озодликдан маҳрум қилиш жазоси белгиланган. Оилада одоб-ахлоқ ва таълим-тарбияга эътибор қон-қонимизга сингиб кетган бурчларимиздан. Эндилиқда барча бирдек ҳаракат қилиб, бу каби иллатларга қарши курашиш ва бу борада тушунтириш ишларин олиб бориш орқалигина чақалоқ савдосидек иллатга қарши курашиш мумкинлиги давра сухбатида алоҳида таъкидланди. Шунингдек, давра сухбатида иштирокчиларга Ўзбекистон Республикаси Жиноят Кодексидан ўрин олган моддаларнинг моҳияти тушунтирилди. Иштирокчиларга Фарғона вилоят суди томонидан тайёрланган маҳсус буклетлар тарқатилиб, кенга жамоатчилик бу борада кескин кураш олиб бориши зарурлиги тушунтирилди. А.Улмасов, жиноят ишлари бўйича Олтиариқ туман суди судьяси.

2022-03-30 19:46:56